

ցեալ զգետտ և փշեայ պսակ համարիմ, և ոչ փառս, որոյ վասն կրկին աղաչեմ, ճանաչել զօգուտն Ս. Աթոռոյն և այնպէս տնօրինել» :

Յետ այնորիկ հինգ Եպիսկոպոսունք զնացին առ Տերունագարդ Մարտիրոս վարդապետն, որ անկեալ դնէր 'ի մահիճս. այր Հանճարեղ եւ խոհեմ, տեղեակ ամենայն գործոց Աթոռոյն և տաճկական զսրութեան. զի տեսալ իսկ էր նորա զվախճան և զնորոգումն Պատրիարքաց ոմանց և յայտ արարին նմա զընտրութիւն Պետրոսի իրրեւ Հրմուտ և տեղեակ ընտրեալ գործոց Աթոռոյն, սնեալ և վարժեալ 'ի նոսա 'ի մանկութենէ իւրմէ, զի մի՛ մատենացի ասեն՝ այս իշխանութիւն 'ի ձեռս անխոհեմաց ոմանց, և տապալեացի բարեկարգութիւնք տանն, եւ մեք լիցուք առ ի՞ թ բազմապատիկ վնասուց և անդարմանելի ծախուց, որպէս լեալ է երբեմն՝ ցնոյն և ամենայն միարտք կրկնէին եւ նորա հաճեալ 'ի բարի խորհուրդս նոցա, գրեաց և ինքն գիր առ Պատրիարքն, և զինի այսմ գրեցին և ինքեանք զիր հանրական՝ յոր ձեռնարկեալ կնքեցին ամենեքեան, և թախանձանօք խնդրէին 'ի Պատրիարքէն և 'ի զլիտաւորաց ազգին հաճիլ ընդ ընտրութիւնս իւրեանց, և զՓակակալ Պետրոս Եպիսկոպոսն ճանաչել Պատրիարք Ս. Աթոռոյն Երուսաղէմի, և յուրթալ հանել զհրովարտակն յարքունուստ յանուն նորա. զայսոսիկ գրեանս առաքեցին 'ի ձեռն Մելքոն վարդապետի: Ի ժամանեւ թղթոցն 'ի Բիւզանդիոն՝ Պատրիարքն և իշխանաւորք ազգին ետուն հաւանութիւն ընդ ընտրութիւն Պետրոսի, և առին հրովարտակ յԱրքայէ՝ գրեալ ՎԿԱ և առաքեցին զայն յԵրուսաղէմ, և Պետրոս Եպիսկոպոս նստաւ յԱթոռ Պատրիարքութեան Երուսաղէմի (1794. 'ի 14 Փետրվարի) յաւուր տօնի Բառասնօրեայ դալատեան Տեառն 'ի Տաճարն: Արարացիք և այլազգիք Երուսաղէմի այսպիսի զիպաց և առ թի սպասէին. զի սովորութիւն էր 'ի նստիլ նոր Պատրիարքի ընդունիլ պարգեւս, որոյ վասն առհասարակ զիմեցին 'ի վերայ նորա՝ և նա բաժանեաց ըստ իւրաքանչիւր արժանաւորութեան, մինչեւ հասանիլ գումար դրամացն 20,000 գահեկան, ըսոյց կարի դժուարին եղև հաճել զվամս քաղաքապետին, դատաւորին և այլոց: